



Broj: 04-40-1-189/26  
Sarajevo, 09.07.2026. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

### **REDOVNI IZVJEŠTAJ** **za period od 08:30 sati 08.07.2026. do 08:30 sati 09.07.2026. godine**

**Kantonalna uprava civilne zaštite Kantona Sarajevo:** Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su devet intervencija: jednu na gašenju nelegalne deponije u naselju Buća Potok, pet na gašenju zapaljenog smeća u kontejneru, jednu na gašenju niskog rastinja, jednu na gašenju elektro-instalacija na stubu niskonaponske mreže i jedno obezbjeđenje.

**Općinski operativni centar civilne zaštite Stari Grad:** U skladu sa naredbama Štaba civilne zaštite Kantona Sarajevo, Općinski štab civilne zaštite Stari Grad organizovao je 24-satno osmatranje (monitoring) terena na ugroženim područjima od klizišta, lokalitetima Curine njive, Knjeginjac i Bistrički potok (teritorija Općine Stari Grad Sarajevo i Opštine Istočni Stari Grad), te kontinuiranu analizu i procjenu stanja na ugroženom području u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije stanovništva, ukoliko to situacija bude zahtijevala) i materijalnih dobara. Uposlenici Službe civilne zaštite Općine Stari Grad Sarajevo, na osnovu zadataka zaštite i spašavanja, dana 08.07.2026. godine, izvršili su obilazak i osmatranje terena na lokalitetima Curine njive, Knjeginjac i Bistrički potok.

Prilikom redovnog obilaska lokaliteta klizišta Curine njive utvrđeno je da na predmetnoj lokaciji nije došlo do značajnijih promjena u odnosu na prethodno stanje. Na dijelu lokaliteta gdje se nekada završavao drenažni kanal i dalje je evidentna plavna površina. U donjem dijelu klizišta, tačnije ispod tzv. igrališta, i dalje je prisutna blaga erozija tla i osipanje zemljanog materijala prema prvim stambenim objektima. Prilikom obilaska nisu uočene nove veće pukotine niti druge promjene koje bi ukazivale na destabilizaciju terena.

Prilikom obilaska lokaliteta deponije Knjeginjac vizualnim pregledom ustanovljeno da je stanje bez značajnijih promjena u odnosu na prethodni izvještaj. Usljed sunčanog vremenskog perioda tlo je manje zasićeno vlagom. U gornjem dijelu deponije i dalje je evidentno blago slijeganje tla, bez uočenih novih promjena. U donjem dijelu deponije i dalje su vidljive blatnjave površine zasićene vodom. Prilikom pregleda nisu uočene nove pojave niti druga zapažanja od značaja.

Na lokalitetu Bistričkog potoka također nema većih promjena. Protok vode odvija se nesmetano, s tim da trenutno nije evidentan dotok vode iz pravca Trebevića osim iz kaptaže pored mosta koja se ulijeva u korito potoka. U gornjem dijelu, iznad mosta na području Općine Istočni Stari Grad, i dalje je prisutno obrušeno kamenje i oborena stabla, što može uticati na protočnost u slučaju povećanog vodostaja.

**Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija** nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

**Elektro distribucija Sarajevo:** Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

**KJKP Sarajevogas:** Svi potrošači u Kantonu Sarajevo su uredno snabdjeveni prirodnim gasom.

**KJKP Vodovod i kanalizacija:** Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

**Federalni hidrometeorološki zavod:** Jutros u 08:00 sati temperatura u Sarajevu na mjernoj stanici Bjelave je iznosila 16°C, vlažnost zraka 72%, barometarski pritisak 942,1 hPa.

**BIHAMK:** Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Zbog prolaska kolone vozila koja prevoze ekshumirana identificirana tijela žrtava počinjenog genocida u Srebrenici, danas će u vremenu od 11 do 13 sati za saobraćaj biti zatvorene ulice: Alipašina, Maršala Tita, Mula Mustafe Bašeskije, Telali i Brodac.

Zbog održavanja fudbalske utakmice danas će, u vremenu od 17 do 24 sata, biti obustavljen saobraćaj u ulici Patriotske lige-obilaznica pored Olimpijskog stadiona „Asim Ferhatović Hase“ (od ulice Patriotske lige do ulice Betanija).

**Prema informacijama prikupljenih od dežurnih dispečera i informativnih službi KJKP GRAS, Centrotans – Eurolines d.d. i JP Željeznice Federacije BiH,** gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA  
ŠEF CENTRA

**Fahrudin Pribišić**

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a